

Na osnovu člana 64. stav 1. tačka b)., člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14), te na osnovu preporuke Komisije za nabavke, a po provedenom postupku za nabavku radova putem otvorenog postupka, Pomoćnik gradonačelnika za Službu za komunalne poslove izgradnju i poslove mjesnih zajednica, donosi

ODLUKU
o izboru najpovoljnijeg ponuđača

Član 1.

Prihvata se preporuka Komisije za nabavke, te se ugovor za nabavku radova na utopljavanju i adaptaciji objekta Doma kulture Husino dodjeljuje ponuđaču "DINAMICO" d.o.o. Kalesija, sa ponuđenom cijenom od 94.980,00 KM bez PDV-a, odnosno 111.126,60 KM sa uključenim iznosom PDV-a.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka će se objaviti na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/11-A-005336-2021 od 21.04.2021.godine.

Postupak nabavke je proveden putem otvorenog postupka za koji je objavljeno Obavještenje o nabavci broj: 1004-1-3-24-3-54/21 objavljeno na Portalu javnih nabavki dana 27.04.2021. godine.

Postupak nabavke provela je Komisija za nabavke imenovana Rješenjem broj: 05/11-A-005336-2021 od 21.04.2021.godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće :

- da je ukupan broj pristiglih ponuda 14 (četnaest);
- da je blagovremeno zaprimljeno 12 (dvanaest) ponuda;
- da su 2 (dvije) poude neblagovremene;
- da je 8 (osam) ponuda prihvatljivo;
- da su 4 (četiri) ponude neprihvatljive.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispijelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač "DINAMICO" d.o.o. Kalesija dostavio ponudu sa najnižom cijenom a nakon provedene e-aukcije. Detaljno obrazloženje razloga za izbor navedeno je u Zapisniku o pregledu i ocjeni ponuda te u Zapisniku nakon provedene e-aukcije koji se dostavljaju uz ovu odluku svim ponuđačima koji su učestvovali u postupku nabavke. Obzirom da je kriterij za dodjelu ugovora najniža cijena odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba u roku od 10 (deset) dana od dana prijema ove odluke, Uredu za razmatranje žalbi putem ugovornog organa.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju
i poslove mjesnih zajednica
Broj: 05/11-A-005336-2021
Datum, 24.05.2021.godine

Pomoćnik gradonačelnika za Službu za
komunalne poslove, izgradnju i poslove mjesnih zajednica

mr.sc. Mirela Uljić, dipl.ing.grad.